

ՄԿՐՏԻՉ ԿՈՐՅՈՒՆ

ԿՅԱՔԻ ՅԵՎ ՄԻՐՈ
ՅԵՐԳԵՐ



891.99
9-78

ԴԵՏՐԱՍ

19 NOV 20

ՄԿՐՏԻՉ ԿՈՐՅՈՒՆ

891.99

4-785

ԱՐ.

Կ Յ Ա Ն Ք Ի Ց Ե Վ Ս Ի Ր Ո
Ց Ե Ր Գ Ե Ր

ՀՀՀ
ՀՀ

Ց Ե Ր Ե Վ Ա Ն

Պ Ե Տ Հ Բ Ա Ծ

1 9 3 7

24.05.2013

36568

Տեղա խմբագիր՝ Ան. Գասպարյան
Սրբադրութեան Ան. Գասպարյան



865

37

ԲՈՂԲՈԶ

— Ա՛խ, վորքան ջինջ և
Այս առավոտը,
Գարուն և իջել,
Մաքուր և ոդը:

Արեն և վառել
Խարույկն իր պայծառ,
Ու անթիվ ծառեր
Ծաղկել են դարձյալ:

Ահա քեզ մի ծառ,
Նայիր այս ճյուղին,
Մի գիշեր անցավ,
Մի գիշեր ուղիղ:

Յերեկ նա անզոր
Մերկ եր ու խղճուկ,
Բայց նայիր այսոր,
Տես, վոնց և աճում:

Անցավ մի գիշեր,
Մի ցերեկ ուղիղ,

Անթիվ բողբոջներ
Ամրացան ճյուղին:

Մի բողբոջ վորպես՝
Նոր ու կենսառատ,
Հասակս առած,
Յելած գորշ հյուղից,
Ամրանում եմ յես,
Նոր կյանքի ճյուղին:

ՊԱՏԱՍԽԱՆԸ

Արքայական պալատում խնձույք կար մի փառահեղ,
Հյուր եր այն ձոխ սեղանին նաև պոետն հանձարեղ:
Ու խնձույքի թեժ պահին, արքան գոռող ու փքուն
Ուղեց ցույց տալ հյուրերին լեզվի ուժը իր ճկուն:
Մահկանացու ու չնչին արքան վոսկու և գահի
Ուղեց խոցել այն հզոր խոսքի անմահ արքալին,
Ուղեց խոցել այն հզոր խոսքի անմահ արարքին,
Վոր հեղնանքով եր նախում իր պալատին ու գահին:
— Պուշկին, արև արքայի հարցը լսիր դու ուշիմ,
Ասա, վորքան ե հեռու բանսատեղծը... ապուշից...
Թնդաց պալատն աղմուկից, քրքիջ, ծիծաղ, հա...
հա... հի...

Ու ծիծաղի ծովի մեջ լողաց խոսքը արքայի:
Նա վեր կացավ ինքնազուսպ: Լուց նվազը մի պահ,
Այստեղ խոցված մի պոետ, այնտեղ լավիրշ մի արքա,
Իսկ մեջտեղում մի սեղան, շուրջը գեմքեր բանսարկու,
Վորոնք շղթա յեն դնում վեհ սլացքին իր հոգու:
— Ի՞նչ են ուզում իրենից սողուններն այս գորշ
կյանքի,
Վոր արժանի յեն միայն նողկանքի ու գարշանքի:
Վոչինչ, կդա վախճանը, թե ձեր՝ և թե՝ պիղծ գահի,
Սակայն հիմա պետք ե տալ պատասխանը արքայի:
— Պատասխանն իմ, ով արքա, լսեցեք լուրջ և ուշիմ,
Մի սեղան ե բաժանում բանսատեղծին... ապուշից:

Մ. ՆԱԼԲԱՆԴՅԱՆԻՆ

Ազգի վիճակը ծանրացած սբախիդ,
Ցեղ մարտնչում և լերգերը շրթիդ,
Հոգով բոցաշունչ և սրտով հրկեղ,
Նետվեցիր անվախ կյանքի ասպարեղ:

Տեսար աշխարհում յերկու հաղթ բանակ,
Հավերժ ախոյան կեցած դեմ-դեմի,
Տեսար վոր կյանքում չկա հաղթանակ,
Առանց պայքարի ու մարտնչումի:

Տեսար և հոգիդ խավարից զատված,
Միացավ ձնշվող հզոր բանակին,
Այդ բանակն այսոր խսպառ ազատված,
Կոչում ե—հարգանք մհծ հիշատակիդ:

ԱՐԾԱԹԱՎԱՐՍ ԳԵՂԵՑԿՈՒՀԻՆ

Ո՛, նայեցեք այս խստաշունչ արծաթավարս
գեղեցկուհուն,

Զգեստներով արծաթազո՞ծ, անձեռնազո՞ծ ու շողզո՞ծն,

Իր փեշերի տակ և առել հանդ ու արոտ,
Ճիլ ու ցողուն

Ո՛, նայեցեք այս խստաշունչ, արծաթավարս
գեղեցկուհուն:

Գեղատեսիլ չորս քույրերից ամենից մեծն
և հասակով,

Միշտ ձեմում և հպարտորեն ադամանդ և
վառ պսակով,

Արարատյան դաշտիցը լայն՝ մինչ սարերի
ծայրն յերկնահաս

Արծաթավարս այն գեղեցկուհին փոել և իր
փեշերը խաս,

Ու հարազատ մի մոր նման և՝ սիրասուն,
և՝ կաթոգին,

Նստել և նա ակոսներում մեր արտերի ու
հողերի,

Պաշտպանում և մեր ծիլերին, հատիկներին
չար հողմերից,

Նա հարազատ մի մոր նման և՝ սիրածուն, և՝
կաթողին:

Յերբ գեշերը թավիշ հագած մութ բարձունքից
կախվում ե ցած,
Ու գրկում ե գեղեցկուհու իրանը նուրբ, կուրծքը
լուսե,
— Ել ի՞նչ սիրտ ու հոգի լե պետք, վոր չմնա միշտ
հիացած,
— Ել ի՞նչ գրչով [կարող ե մարդ նրա սիրո յերգը
հյուսել:

Արծաթաթել վարսերը իր անփթորեն ուսով փռած,
Քալում ե նա թուխ հողերի ու արտերի լայնության
մեջ,
Կյանք ե տալիս մեր ծիլերին նա իր ծոցի հրից
անշեց,
Ու քայլում ե արծաթաթել վարսերը իր ուսով փռած:
Ո՛, նայեցեք այս խստաշունչ արծաթավարս
գեղեցկուհուն,
Զգեստներով արծաթագործ, անձեռնագործ ու
շողողուն,
Իր փեշերի տակ ե առել հանդ ու արոտ, ծիլ ու
ցողուն
Ո՛, նայեցեք այս խստաշունչ արծաթավարս
գեղեցկուհուն.

ԶՈՐԱՏԵՍԻ ՄԱՅԻՍ

Գործարանից հոյակամար, և գաշտերից համայնավար,
Մեր շարքերով բազմահազար, բազմալեզու,
բազմապիսի,
Շեկ պղնձի հանքահորի գորշ արգանդից լելած ահա
Դուրս ենք գալիս այսոր նորից բայլշեկյան
զորատեսի:
Համայնական մեր հանդերում, ուր Մայիսն ե
ճառագալիթել
Կյանք ե առել մի նոր արշավ այդ գաշտերի
լայնության մեջ,
Լայնության մեջ այդ գաշտերի, ուր յերեկ սահն եր
գալարզում,
Այսոր միլիոն ու բյուրավոր սիրտ ու հոգի լեն
զալարում:
Դինամիտի ուժով անհաղթ ու զարկերով բյուր
ձեռների
Գետն ե փոխում լայնայերախ ու դարավոր հունն իր
քարոտ,
Մինչդեռ յերեկ՝ սկ ելին հագած արոտները մեր
անբերըին,
Այսոր ահա կյանքն ե յերգում սրտում հազար յերգու
կարոտ:
Ահա ինչու հոյակամար հանքաշխարհից անդնդախոր
Մեր շարքերով բազմահազար, բազմալեզու,
բազմապիսի,
Շեկ պղնձի հանքահորի գորշ արգանդից լելած այսոր,
Դուրս ենք գալիս ահա նորից բայլշեկյան
զորատեսի:

ՆԵՐԲՈՂ ՀԵՐՈՍ ՈԴԱՉՈՒՆԵՐԻՆ

Մեր լեռներից ծաղկափեշ
Զրվեժներից գահավեժ,
Մեր գետերից կարկաչուն
Զեզ ջերմ համբույյը ու վողջուն

Յերբ են արդյոք ժպտացել
Այսքան ուրախ լեռ ու հանդ,
Յերբ ե յեղել աշխարհում
Մարդը այսչափ անկաշկանդ:

Ունեցել ե նա յերբեք
Հոգու թռիչք ու թեր,
Յերբ ե հնչել, արդյոք յերբ,
Մարդ անունը այսչափ վեճ:

— Մահից թող նա յերկնչի,
Ով անզոր ե ու չնչին,
Ում վոր հոգու ընդերքում
Կյանքի տեղ մահն ե յերգում:

Ասացիք դուք, թռաք վեր,
Զեր սրտում կյանքն եր դոփում
Զեր թռիչքից անվեհեր
Մահն եր ահից սարսափում:

Կյանքն ե յերգում ձեր հոգում
Յեզ ձեր յեռուն արլան մեջ,

Զեր կորովն ե բորբոքում
ԱՌԱՋՆՈՐԴԻ հուրն անշեց:

Ահա, ահա թե ինչու
Ամենուրեք, ամենուր
Յեզ սարերի զով լանջում
Յեզ ծովերում կապտաջուր,
Յեզ գետերի յեղերքում
Յերկիրը ձեզ ե յերգում:

Մեր լեռներից ծաղկափեշ
Զրվեժներից գահավեժ,
Մեր գետերից կարկաչուն
Զեզ ջերմ համբույյը ու վողջուն:

ԼԻՐԻԿԱ

Կյանքը այնչափ խոր ե ու լայն ինձ համար,
Պայքարների հուրն ե կոփում իմ հոգին,
Ո՛, ինձ համար կյանքը սեր ե ու պայքար,
Յեվ ուժերի մի բաղխում ե մոլեգին:

Այդ բաղխման մեջ ընկնում ե հինը խարխուլ,
Այդ բաղխումով նորն ե աճում ծիլ առ ծիլ,
Իմ հոգու մեջ նորն ե հիմա բարախում,
Բոլորի հետ և բոլորից առանձին:

Կյանքը մեզ միշտ դեպի առաջ ե մղում,
Իսկ մենք կյանքի թափանիվն ենք շարժում հար,
Այդ բարախման մեջ և փոխվում ենք, և փոխում,
Յեվ թևում ենք առաջ անվերջ, անդադար:

ԱՐԹԻԿ ՏՈՒՖՈՒՄ

Յեվ ամառ ե և կեսոր,
Յեվ յերկինքն ե ջինջ ու պարզ,
Յեվ արեգակ հրավարս
Յեվ կապտավուն հորիզոն:

Արեգակն ե մաղում վար
Վոսկեփոշի, վառ կրակ,
Կամքով լարված ու համառ
Ահա կովում են նրանք:

Ուշ գիշերից մինչև լուս
Թարմ ուժերով հերթ առ հերթ,
Բաց են անում նրբանուս
Տուֆաշխարհը բազմաշերտ:

Փռխում են կյանքը անդուլ
Յեվ կյանքի հետ փոխվում հար,
Նրանք ժիր ու յեռանդուն
Արեից ել արեվառ:

ԱՐԹԻԿ –ՏՈՒՖԻ ՀԱՐՎԱԾԱՅԻՆՆԵՐԻՆ

Չեր զարկերից մաշվում ե կոշտ վերմակը այն,
 Վոր թուխ շերտով մաքուր տուփի կուրծքն ե պատռում,
 Ու բացվում ե տուփաշխարը և խոր, և լայն:
 Այս վարդագույն լեռների մեջ հերոսաբար,
 Պայքարի յեք յելել ահա լուրջ ու արթուն,
 Այս լեռների գորշ փեշերից ամեն մի քար
 Ունի հյուսված արիության մի պատմություն:
 Մեր այս կյանքի ընթացքի հետ փոխվում եք հար,
 Փոփոխելով կյանքն առաջ եք շարժում անդուլ,
 Վոր յերկիրը մեր լուսակերտ ու լուսափայլ
 Հաղթանակով դուրս դա վաղվա ահեղ մարտում:

ՇԵՆՔԵՐԻ ՅԵՎ ԲԱՆՎՈՐ ԸՆԿԵՐՆԵՐԻՍ ՔՆՆԱԴԱՏՈՒԹՅԱՆ ՄԱՍԻՆ

1

Իջել եր մի լուսե իրիկուն,
 Լույսերը ո, այնքան պայծառ եյին,
 Իմ հոգու հույզերը անծայր եյին,
 Իմ հոգու հույզերը մըրկուն:

2

Մի փոքրիկ սենյակում լուսավոր
 (Յերբ դրսում գիշերն եր թանձրացել),
 Նստել եյին ընկերներն իմ բանվոր
 Լսում ելին ինձ լարված ու անձեն:

Մենք նոր ելինք մեր գործից տուն դարձել
 Շատերը հոգնած եյին ու քաղցած,
 Յես խոսք եյի տվել՝ իմ գրած
 «Շենքերի յերգերը» ընթերցել:

3

Կարդում եյի յես անզուսպ ու հուզված,
 Թվում եր, թե սիրտս կ'թոչի,

Կարդում եյի քառյակները հյուսած
իմ անվարժ ու դողով գրիչի:

Կարդում եյի և դիտում եյի թագուն,
Ալն լարված՝ ուշադիր դեմքերին,
Յեվ այրող հույզերից մի ներքին
իմ սիրտը դոփում եր ու թակում:

4

Կարդացի քառյակները իմ այն,
Մինչ վերջին տողերը միասին,
Նայեցի դեմքերին, կանդ առա
Սպասում եյի, ով ինչ կասի:

«Ինարկե քո յերգում շենքեր կան,
Բայց ուր են ձեռքերը մեր ձուլող,
Այս շենքը, վորի մեջ հիմա կանք,
Զե՞ վոր սա բարձրացավ մրցումով:

Քո յերգած շենքերը ամուր են,
Ունեն մուտք, լուսամուտ ու ֆասադ,
Բայց ուր են հույզերը մեր հստակ,
Կառուցման հույզերը մեր ուր են:

5

«Շենքեր կան, շենքեր կան յերկնահաս,
Նյու—Յորքում, Լոնդոնում, Փարիզում,
Բայց վմբն ե մեր շենքը—դու պարզ ու
Անպաճույն բառերով պետք ե տաս:

Մի գրիր բառերով դու խրթին,
«Յեղիր պարզ և թե խոր յերգերով,—
Վոր լինես և հատու և գերող,
Վոր մենք քեզ մոտ զգանք մեր սրտին»:

6

«Մենք անթիվ շենքեր ենք կառուցել
Կառուցել ենք շենքեր մեզ համար,
Մենք լարել ենք անթիվ միտք ու ձեռք,
Խոհեր ենք շալակել անհամար:

Ահա տես, մրցումով ենք զցում
Հիմքը այս կառուցվող նոր շենքի,
Մեր կյանքը տեմպերով ե լեցուն
Կարսղ ես, հասիր մեզ և յերգիր:

6
7
8

Լսեցի յես լարված, ուշադիր,
Լսեցի յես հուզված ու անձեռ,
Ու սիրտս բարախեց խոր վշտից
«Շատ բան կա, վոր դեռ չեմ իմացել»:

Ու շուրջս բերկրանքով մի փալեց,
Իսկ խավարը հալվեց մտքիս դեմ,
Քիչ առաջ ուրիշ եյի յես այլ եյի,
Իսկ հիմա փոխվեցի յես արդեռ:

8

«Այսպիս ե մեր կյանքը, բարեկամ
Մեր կյանքը յերգ ե ու մարտնչում,

Կյանքի և սիրո յերդեր - 2

Այսոր զու ինչ վոր ես, ինչ վոր կաս
վաղը զու փոխվում ես, ու աճում:

«Եռլջդ քեզ փոխում ե միշտ արագ
Երջանում ուրիշ ես, զու նոր ես,
իսկ շուրջդ պայքար ե ու կրակ
Խմբով քո ուժեղ ու հզոր ես:

9

Լսեցի յես լարված, ուշաղիր
Քանդիս մեջ խոհեր եյին ծանրացել
Ու սիրոս խփում եր յեռանդից,
Իսկ յես լուռ լսում ելի դեռ անձեն:

Հոգուս մեջ յեռանդ կար ու կորով,
Տեսնելու, լսելու անհուն տեսչ,
Իմ ուղին դժվում եր պարզոբոշ՝
«Խորանալ, խորանալ կյանքի մեջ»:

10

Ու դրսում գիշերն եր կախվել լուռ,
Գիշերը անմարմին ու անձե,
Կախվել եր ու այնպես ծանրացել
Նա վորապես մի մըստ վարագույր:

Հոգուս մեջ հուղում կար ահագին,
Ու անթիվ, անհամար նոր յերգեր —
Ո՛, վողջույն, վողջույն ձեզ, ընկերներ,
Էուսաշող, անթախիծ իմ կյանքի:

Լենինական Տեքստեր

ՍԵՎԱՆԱ. ԼՃԻՆ

— Ի՞նչ կա քո մեջ այդքան գերող,
Յեվ անծանոթ, և՝ դյութիչ,
Յեվ կապուտակ քո աչքերում
Յեվ հայացքում քո ալդ ջինջ:

Դու գրավիչ և հիասքանչ,
Տարերքներով քո անեղձ,
Թեև միշտ հին ու հնացած,
Սակայն հավերժ նորաստեղծ:

Քո այդ առատ հորդ ջրերի
Ուժը պիտի մենք խլենք,
Յեվ անսպառ ալդ նոր ուժով
Հինը հիմքից խարխլենք:

Վոր նորակերտ ավաններին
Տաս նոր արև և նոր լույս,
Յեվ յերջանիկ սերունդները
Յերգեն յերգդ բազմահույզ:

Այսպիս ես դու, դյութիչ Սևան,
Տարերքներով քո անեղձ,
Թեև միշտ հին ու հնորյա,
Սակայն հավերժ նորաստեղծ:

Լ Ի Ր Ի Կ Ա

Մանիշակագույն ջրերի գրկում
Սահում և ահա նավակն իմ առաջ,
Շուրջս ջրերի տարերքն և յերգում,
Շուրջս ջրերի ցնծագին շառաչ:

Նայում եմ ծովի ջրերին անտակ,
Այստեղ վորքան ուժ և հուր կա ներքին,
Ծով բազմաշառաչ, ծով բազմակոհակ
Մենք դուրս կկորցենք ուժը տարերքիդ:

Վոր նոր կյանք կերտենք մի արեազուն,
Ցամաքի վրա՝ այս գորշ հին հողի,
Վոր մեր մարդկային պերճախոս լեզուն
Քո հաղթահարված ուժը ներբողի:

Ով չքնաղ լճակ, տեսավ իմ հոգին
Ծփանքդ ահեղ և աղմկալի,
Տեսնում ե ահա և որդ գալիք,
Պարտված տարերքդ ուժով մոլոգին:

ԱՄՊՆ ՈՒ ԱԼԻՔԸ

Վորպես մի մոլի տարված սիրահար
Ալիքն ու ամպը նայում են իրար:
Նայում են իրար ու չեն հազենում:
Ժամանակն այսպես գալիս ե, գնում,
Չին սերունդներն են գերեզման իջնում,
Յեվ սերունդները ծնվում են նորից,
Իսկ ամպ ու ալիք ծնված մի մորից
Յեվ վորպես տարված, մոլի սիրահար
Անվերջ ու անվերջ նայում են իրար:

ՀԱՍԿԻ ԱՃՈՒՄԸ

Հասուն հասկերի շորորը հիմա
Այնպես անուշ ե, այնպես նազիկ,
Արևն ե բազմել սարերի վրա,
Բոց ճակատով իր վոսկեմազիկ:

Հոգիս տեսնում ե հասկի զորումը,
Հասկի զորումը արևազուն,
Վալրկյան առ վայրկյան հասկն
հզորում ե,
Ու փոփոխվելով դառնում հասուն:

Ահա նայիր դու հասկի ցողունին,
Վոսկի ցող ունի նա իր վրա,
Ցերեկ սերմ եր նա, պառկած հողում մեր,
Այսոր նման չե սերմը նրան:

Այդ ի՞նչ ի՞նչ ուժով սերմը ծիլ գարձավ,
Ցեղ ծիլն իր մահով յերկնեց ցողուն,
Վոր համայնավար դաշտերը անծալը
Լողում են բերքի անծալը ծովում:

— Ո՛, անդուկ շարժման զորություն և ուժ,
Անշունչ հողումն ել կյանք ևս ծնում,
Ցեղ քո իմաստուն ելությամբ անուշ,
Հոգուս ամբարը յորդով լցնում:

ԾՈՎԱՓԻՆ

Ծովը հանդարտ ժայռոտ ափին ե զարկում,
Կոհակները փսփում են ինչ վոր յերգ,
Վերջալույսն ծիրանաշաղ վերարկուն,
Նետեց ծովի մակերեսին անեղերք:

Ուսին ամպի ծվեն մի նուրբ ու անբիծ,
Ծնվեց ծովից կիսալուսինը նազուկ,
Ու աստղերը յերկնի անհուն խորքերից,
Իջան ծովը աչիկներովը լազուր:

— Հենց նույն պահին մի խենթ ալիք ծովահույզ,
Պոկվեց ծովից, ընկավ ափին ու հանգավ.
— ԶԵ վոր ծովում ուներ նա ուժ և թե հույզ,
Այժմ նայիր և անզոր ե և անկար:

Միթե մարդն ել մի ալիք չե այս կյանքում,
Վոր անզոր և համայնքից դուրս կյանքից զատ:
Նրանով ե մարդը հպարտ և կանգուն,
Վոր հենվում ե իր մաւր հողին հարազատ:

— Վողջուն քեզ կյանք, քեզ կոլեկտիվ սիրաժան,
Վոր մեզ ուժ ես տալիս կրցքիցդ հարազատ.
— Վողջուն քեզ մարդ, վոր մայր հողից անբաժան
Կյանք ես կերտում և յերջանիկ և ազատ:

ԱՄՌԱՆ ԱՌԱՎՈՏ

Ո՞վ դու ամռան առավոտ, քեզ հազար սեր ու
խնդում,

Սիրտդ հրկեզ, շունչդ տոթ, քեզ հազար սեր ու
խնդում:

Ահա դաշտ եմ յելել յես ու շըջում եմ հրճվանքով,
Լայն արտերում մեր շաղոտ, քեզ հազար սեր ու
խնդում:

Համայնական դաշտերի կրծքի վրա հրավառ
Փոել ես բերքդ արեսոտ, քեզ հազար սեր ու խնդում:

Ահա հնձվորը արի, դեմքին հանուն մի հրճվանք,
Կանքնած հասուն արտի մոտ, քեզ հազար սեր ու
խնդում:

Վողջույն, վողջույն քեզ հնձվոր, վոր տերն ես քո
վաստակի,

Մեր թշնամուն մահվան բոթ, քեզ հազար սեր ու
խնդում:

ԱՄԱՆ

Ամեն տեղ հիմա քո շունչն ե փոել
Յել բարկ, և այրող, և անշափ համառ,
Իմ մեջ հույզերի խարուցկ ես վառել
Ո՞վ Արարատյան դաշտերի ամառ:

Մեր դեմ բացել ես յերգի ու բերքի
Թեժ ու հուրհրան վառ արգանգը քո,
Հանդը թնդում ե հնձվորի յերգից
Արարատյան ջերմ արեի ներքո:

Իրար են անցել ջահել ու ահել,
Հանդը թնդում ե մեր բերքի յերգից,
Յես թնչպես հիմա իմ ճիշը պահեմ,
Յես թնչպես սանձեմ հրճվանքն իմ ներքին:

Յելած վշտերի անտակ զնդանից,
Քո գովքն ե յերգում նոր մարդը համառ,
Վողջույն մեր յերգի ու բերքի տոնին,
Զան Արարատյան, դաշտերի ամառ:

ՊԱՏՎԱՎՈՐ ՀՅՈՒՐԸ

(Շիրակի դաշտում կոմբայների մոտ)

Ճեկ թևերով շոգ ամաֆն ե նստել յերկրիս դաշտերին
Շուրջապարի յեն դաշտերն յելել արեգակի ներկի
տակ,
Դաշտի գրկում սեր ե յերգում հասկը իր ճոխ բերքի
տակ,
Հանդի սիրտը թունդ ե առել պողպատաթև վաշտերից:
Հասկը՝ դաշտի քաղաքացին վառ ծիրանի յե հազել
Այդ ինչ, այդ ինչ նոր արև ե մեր հանդերում
Ճառագել,
— Դու յես ո դու կոմբայն ընկեր, պատվավոր հյուր
մեր հանդի,
Յեկար խնդուն, վոր հնի հետ արխիվ նետենք
գերանդին:

ԱՄՈԱՆ ԱՐԵՎՆ ԻՐ ՊԱՅԾԱՌ- ԱԼՄԱԶՈՎ

Ամոան արեն իր պայծառ ալմազով
Կիսեց գիշերվա խավարը մոայր
Հասուն հասկերի գեղեցիկ նազով
Նստեց ամառը դաշտերի վրա:

Ամոան որերը թափել են վոսկի,
Ջրանցքներն անուշ յերգեր են ասում,
Մեր արտը, արտը վոսկեփայլ հասկի,
Մեղմ որորվում ե իր բերքով հասուն:

Մեղմ որորվում ե իր բերքով հասուն,
Ցորենն ե ժպտում հայացքով լուսե,
Դեղին հասկերի բերքառատ լեզուն
Մեր հաղթանակի յերգերն ե հյուսել:

Յեկ սիրտն իմ, սիրտն իմ ինչպես չոււզվի
Այս ծովածավալ արտերի բերքից,
Առ իմ նոր յերգը քո բերքին հյուսիր,
Իմ ջահել, իմ վառ, իմ անուշ յերկեր:

ՍԵՐ ՅԵՎ ԿԱՐՈՏ

Ամեն վայրկյան ցանկանում եմ լինել քեզ մոտ,
Ո՞վ դու իմ ջերմ սիրո աղբյուր, ո՞վ դու իմ հույզ,
Լինել քեզ մոտ, նստել քեզ հետ մինչ առավոտ,
Ու պատմել քեզ գաղտնիքները ջահել հոգուս:

Ու պատմել քեզ, թե ինչպես ե հոգիս կիզում
Թո ջերմ սիրո արեգակը և՝ բորբ, և՝ խիստ...
Ու թե ինչպես սիրտն իմ սիրո յերդ ե հյուսում,
Յեկ ժամ առ ժամ հասունանում դալար հոգիս:

Ո՞վ իմ անգին, նայիր կյանքին մեր այս անուշ,
Տես որերը վոնց են հոսում ալիք-ալիք,
Մեր ներկան ե դառնում անցյալ պայծառ մի հուշ,
Թևատարած սլանում ենք դեպի գալիք:

Սլանում ենք, սակայն այս գոռ հողմերի մեջ,
Յերբ վայրկյանն իսկ մարտնչում ե ու նվաճում,
Իմ հոգու մեջ մի նոր սիրո յերդ ե հնչում
Կյանքի տված հնչյուններով վառ ու անշեց:

Նա՝ ալդ սերը ասում ե ինձ յեղիր տոկուն,
Յեղիր համառ, յեղիր արի ու աննահանջ,
Մեր իմաստուն սերունդների յերթի առաջ,
Միշտ վառ պահիր փարոսը քո կայտառ հոգու:

Յեկ ունկնդիր այդ նուրբ ձայնին արևահյուս,
Հոգիս աճեց, հղորացավ այս առավոտ.
Ո՛, վողջույն քեզ, հոգուս հոգի, հույզերիս հույզ,
Ո՛, վողջույն քեզ իմ ջերմ սիրո այրող կարոտ:

ՈՐՈՌՈՑԻ ՄՈՏ

ՀԱՍՈՒՆԱՑՈՒՄ

Յերեկ մանուկ եյիր անզոր,
Վաղքդ՝ թհթև, լացդ՝ ճիչ
Այդ բնչ ուժով դու այսոր
Դարձար այդչափ հմայիչ:

Վ՞ր, վ՞ր արել արդյոք
Տվեց քեզ շող ու համբույր,
Վոր դու դարձար այդքան շոգ,
Վորպես ամռանն այրող հուր:

Արծաթ աստղերի լուսագեղ յերգով
Գիշերը կախեց փեշերն իր մըսու:
Իսկ յես կանգնել եմ որորոցիդ մոտ,
Դիտում եմ, մանկիկ, խաղաղ նինջը քո:

Նինջը աղախնու թեռվ սպիտակ
Նստել ե գեմքիդ քնքշագին նազով,
Որորում ե քեզ մեղմիկ յերազով,
Յեվ կյանքով լցնում հոգիդ անհատակ:

Խաղում ե հովը, որոցքդ ճոճում,
Իսկ դու քնի մեջ ժպտում ես խաղաղ,
Նինջը բերում ե քեզ կյանք ու աճում,
Մեր աստղերի տակ այս լուսածիծաղ:

ՈՐՈՌՈՑԻ ՄՈՏ

1

Արծաթ աստղերի լուսագեղ յերգով
Գիշերը կախեց փեշերն իր մրոտ:
Իսկ յես կանչնել եմ ոբորոցիդ մոտ,
Դիտում եմ մանկիկ խաղաղ նինջը քո:

Նինջը աղավնու թևով սպիտակ
Նստել ե դեմքիդ քնքշագին նազով,
Որորում ե քեզ մեղմիկ յերազով,
Յեզ կյանքով լցնում հոգիդ անհստակ:

Խաղում ե հովը. որոցքդ ճոճում,
Իսկ դու քնի մեջ ժպտում ես խաղաղ
Նինջը բերում ե քեզ կյանք ու աճում,
Մեր աստղերի տակ ալս լուսածիծաղ:

2

Որորոցիդ մոտ տատիկն ե ննջում,
Գունատ բիբերում կա մի փայլ վերջին,
Իսկ նինջը նրա հոգու ականջին,
Անսիրտ խոսքերով մահ ե շշնջում...

Ավաղ, հենց վաղը գերեզմանոցում
Վեր կբարձրանա մի նոր շիրմաքար...

իսկ դու իմ մանկիկ, նոր կյանքի ծոցում
Կաճես քո հոգով և կյանքով դալար:

Այդպես ե անխախտ որենքը կյանքի,
Մեկը գնում ե մյուսը գալիս,
Ով կյանք քո պայծառ արեից անդին
Ուժ ու կորով տուր իմ մատաղ բալիս,

ԺՈՂՈՎՐԴԱԿԱՆ ՄՈՑԻՎՆԵՐ

ԿՈԼԽՈԶԻ ԱՂՋԻԿ

Կանգնել ես հպարտ կոլխոզի արտում
Այտելո, ձեռիդ հասկերի պես վառ,
Ու քո վառ սերն ե ծաղկել իմ սրտում,
Կոլխոզի աղջիկ աշերդ պայծառ:

Զմն ջահել աղջիկ, հաստատ ու համառ,
Վառ յերգեր եմ յես հյուսել քեզ համար:

Մեր ընթացքի հետ այս արագահոս
Անվախ քայլում ես դու մեզ հետ առաջ,
Դարձել ես մեր նոր որերի հերոս,
Կոլխոզի աղջիկ և' արի և' քաջ:

Զմն ջահել աղջիկ, հաստատ ու համառ,
Վառ յերգեր եմ յես հյուսել քեզ համար:

Մի անհուն սիրով յես քեզ սիրեցի,
Ծփան արտերի վոսկեվարս գրկում,
Անունդ այնպես պայծառ զրեցի,
Կոլխոզի աղջիկ, իմ սիրո զրքում:

Զմն ջահել աղջիկ, հաստատ ու համառ,
Վառ յերգեր եմ յես հյուսել քեզ համար:

ՀՆՁՎՈՐԻ ՍԵՐԸ

Զով քամու դեմ դեմքդ բացել
Հաց ես բերում հնձվորին,
Արեգակը աչք ե զցել
Թշիդ կարմիր խնձորին:

Արշալույսը վարդի թեով
Ցող ու շաղ ե ցած թափել
Հասուն հասակը իր վառ սիրո
Անուշ յերգերն ե կապել:

Հովն ե վազում արտով հասուն
Սվավում են հասկ ու արտ,
Ալիք-ալիք արտն ե հոսում,
Մերթ փոթորկոտ, մերթ հանդարտ:

Շող արեի լույս թեի տակ
Հունձ ենք անում հիմի մենք,
Կոլեկտիվի բերքը առատ
Խուրձ ենք անում հիմի մենք:

Իսկ դու քո վարդ դեմքը բացել
Հաց ես բերում հնձվորին,
Արեգակը աչք ե զցել
Թշիդ կարմիր խնձորին:

ՄԻ ՄԱՆԿԱՆ

Քալիկս, մի հատիկ ես,
Մի հատիկ, խորոտիկ ես,
Ի՞նչ կանեմ վարդն ու լալեն,
Վարդի անուշ հոտիկ ես:

* *

ԹՈՒՄԱՆՅԱՆԻ ԽՐՃԻԹԻՆ

Մեծ տաղանդի փոքրիկ տուն,
Կանգնիր առնացի,
Մեր սերունդներն են խնդուն,
Գալիս քեզ այցի:

Չե վոր ոջախում քո ջերմ,
Աշխարհից հեռու,
Ծնվեց պայծառ մի դիշեր,
Արևը լոռու:

Մեծ տաղանդի փոքրիկ տուն,
Կանգնիր առնացի,
Վոր սերունդները խնդուն
Միշտ գան քեզ այցի:

ԹՈՒՄԱՆՅԱՆԻ ՏԱՆ ՄԵԶ

Սիրտ իմ, այսոր խնդուն ես,
Ու խնդաս պիտի,
Ահա փոքրիկ այն տունը,
Մեր մեծ պոետի:

Ահա փոքրիկ այն տունը,
Վորտեղ նա աճեց,
Ու յերգերի ավյունով
Դարեր նվաճեց:

Կանգնեց հզոր ու արի
Յերգերով լուսասեղ,
Ընկուզենուց վիթխարի
Պատկներ հյուսեց:

Ա՛խ, մի շեշտ կա հարազատ
Նրա յերգերում,
Վորպես պայծառ ու անմար
Արևը կոռու:

Վողջույն, վողջույն տնակին
Մեր մեծ պոետի,
Վողջույն վաղվա պոետին,
Վոր դեռ դա պիտի...

ՎԵՐՆՈՒՇ

1

Հոգիս այսոր իր հզոր թևերն ե պարզել
Յեկ սավառնում անվախ, և ճախրում ե հարց
Հոգիս առուցդ ու կայտառ ջահել մի բազե,
Հղի մեր նոր որերի յերգով հողմավար:

Արարատյան արել խնդուն և պայծառ
Վողողել ե իր լուսով թևերը հոգուս,
Հայացքիս դեմ աշխարհը լայն ե ու անծայր,
Իմ աշխարհում կա և սեր, և' խինդ ե թե հույզ:

Նայիր, բացվում են ահա խաս ու վարդագույն
Արշալույսները հոգուս և' պարզ, և' թե վառ,
Չգտումների բոցավառ կրակն իմ հոգում,
Ճանապարհ եմ ընկել յես առկունուն համառ:

2

Մատաղ կյանքիս այս ծաղկուն, արևոտ որին,
Յերբ նոր կյանքն իր հաղթության փողն ե նվագում,
Յես վժնց, յիս վժնց մոռանամ ծաղիկ Գիքորին,
Վոր թառամեց հին կյանքի խոնավ ծմակում:

Ահա աչերը նրա գունատ ու անուժ...
Ա՛խ, այդ անմեղ աչքերից թախիծն ե կաթում,

Ո՛, գու դաժան անցյալի ո, արյունոտ հուշ,
Սիրտս անկեղծ տիրության սարսուռն ե պատում...

3

Յեղել ե ցուրտ մի ձմեռ, և բուք, և' քամի,
Քամին սառած թևերով պատերն ե ծեծել,
Կանգնել ե նա քամու դեմ ձմռան ցուրտ ժամին,
Ու կանչել ե գողղոջուն—Եսոյք համեցեք...

Զանին կանգնել ե տկլոր կտուրի ծերին,
Գալոյի հետ են փոքրիկ ժիր ու դուրեկան,
Սպասել ե անհամբեր, վոր գիքորը գա,
Ու քաղաքից իր համար նոր շորեր բերի...

4

(Դարձիր, դարձիր, ո, Գիքոր, վերադարձիր տուն,
Նանն ու Զանին աչքը ջուր սպասում են քեզ,
Դաժան ձմեռ ի իջել ու ճյուն ե թափում,
Հոգսերի բուքն ե ահա զրսից հորդում ներս:

Ուրուր տեսած հավի պես և' թույլ և' յերես,
Կուչ ե յեկել ու փլվել ձեր խրճիթը հին,
Սպասում են, վոր գնաս ուժով քո ջահել
Ու սյուն լինես ձեր փլչող, խարխուլ խրճիթին:

Խրճիթի մեջ սով ու սուգ, և' մահ, և' աճյուն...
Խրճիթի մեջ մանուկներ տկլոր, անոթի,
Խրճիթից դուրս ժամ առ ժամ վամպիրն ե աճում,
Մեջքին կապած վոսկեծալ, արնաշող գոտի...

— Դարձիր, դարձի, ո, Գիքոր, վերադարձիր տուն,
Նանն ու Զանին անհամբեր քեզ են սպասում,

Դարձիր զենք ու դրահով և ուժով հատու
Յեվ հոգու մեջ թող յեռա վրեժդ հասուն...)

5

Բայց Գիքորը, Գիքորը, ախ, չկար արդեն...
Սյն հվ, այն հվ սպանեց արել նրա...
• •

Յերկում ցուրտ եր ու ձմեռ, մառախուղ ու թեն,
Ու ամպերն եյին ծանրացել աշխարհի վրա...

6

Քանի, քանի Գիքորներ Գիքորից բացի,
Թառամեցին անարեվ ու կյանքի կարոտ,
Քանի մայրեր ու քույրեր տխուր վողբացին
Են վաղամեռ ու ազիզ շիրիմների մոտ...

7

Մատաղ կյանքիս այս ծաղկման արեստ որին,
Յերբ նոր կյանքն իր հաղթության փողն և նվազում,
Յես վհնց, յես վհնց մոռանամ ծաղիկ Գիքորին,
Վոր թառամեց հին կյանքի խոնավ ծմակում...

Ծ Ի Լ Ե Ր

Անձիր դաշտերի փովածքի վրա
Գարունն իր ալվան, խաս գորդն և հյուսել,
— Ո՛, նայիր, վորքան ծիլեր են բուսել
Անձիր դաշտերի փովածքի վրա:

Դաշտերով մի զով զեկյուռ և վազում
Պոկված լեռների թավշապատ լանջից,
Արեի վճիռ ու ջինջ ճաճանչից
Զով զեկյուռի տակ ծիլերն են նազում:

— Ո՛, ծիլեր, ծիլեր, ձեզ սեր, ձեզ բարե,
Զեղ պայծառ արե, ձեզ կյանք, ձեզ զարուն:
Զե վոր դուք ձեր վառ հոգու ամբարում
Իմաստուն աճման խորհուրդն եք պահեր:

Դուք կյանք եք մտնում մարտով մի համառ
Յեվ արեն և վառ ձեր կրծքին շողում,
Իսկ գիտեք արդյոք, վոր այս թուխ հողում
Մեռան սերմերը ձեր աճման համար:

Ձեր սրտում հիմա կա մի ուժ ներքին,
Կա և՛ սեր և՛ մահ և՛ կյանքի բարձունք,
Այդ մահացման մեջ վհչ լաց, վհչ արցունք,
Այդ մահացման մեջ յերկունքն և բերքի:

Վողջույն ձեր բերքի արևոտ յերգին՝
Ձեր աճմանն համառ վողջույն ո, վողջույն,
Յես ել մի վսեմ մղումով ներքին,
Քայլում եմ առաջ, փոխվում ու աճում:

ՔԱՐՅԱԿՆԵՐ

ՄԵԾ ՍՏԱԼԻՆ

Ինչպես, վոր գարնան արևածագին

իր աչքն և բացում բողբոջը դալար,

Պատռելով նազուկ զգեստն իր հագի

ժպտում արեի շողին կենսարար,

Այդպես ել հիմա իմ բողբոջ հոգին

Զգալով իր մեջ շարժումը կյանքի,

Բո ջերմ արեի ճաճանչով աճել՝

իր բերքն և տալիս այս նոր աշխարքին.

Արեի պես մշտավառ
Կյանք ես բաշխում ամենքին,
Բալց մնում ես անսպառ
Ցեղ մեծ, և պարզ և մեկին:

Քեզ են ներբողում և վողջույն հղում
Սրտերը բոլոր յեղերքից — յեղերք,
Մեր ծովածավալ կյանքի ափերից
Բերում ենք քեզ խինդ և՝ յեռանդ ե՛ յերգ,
Յես, թեև չնչին կաթիլն եմ ծովի,
Ծովից դուրս վոչինչ, ծովումն ամեն ինչ,
Յես ել եմ ահա ձոնում քեզ այսոր
Հոգուս հույզերը և՛ պայծառ և՛ ջինջ:

Հոգուս աչքով դիտում եմ յես
Հայրենիքս ծաղկումն ալս պերճ,
Խինդն և հորդում իմ բորբ սըտում
Ու յես միտք եմ անում իմ մեջ
— Ո՞վ կտար մեղ կյանք արևիեզ
Ու աճման զարկն այս աշխարհում,
Թե չծագեր Ստալինյան
Վառ արեգակն այս աշխարհում:

Իմաստուն ես, իմաստուն,
Ով Մեծանուն առաջնորդ,
Խոսքդ կտրուկ և աղդու,
Ով մեծանուն առաջնորդ:
Յերջանկավետ նոր կյանքի
Նոր վերելքի ու յերգի
Ուղիների լուսատու
Ով մեծանուն առաջնորդ:

Դու ասացիր պետք ե լինել
Համառ ու անկուն,
Յեվ կրակը հոգու խորքում
Պահել բորբոքուն,
Ով առաջնորդ ամենատես
Պատգամը քո մեծիմաստ,
Հուր տառերով գըել եմ յես
Գըքումն իմ հոգու:

Հոգով իմ զվարթ, մտքով իմ արթուն
Նայում եմ դեմքին յես ալս Մեծ Մարդու,
Նրա աչքերի ամեն մի թարթում
Հաղթանակների հույզեր եմ կարդում:
— Փառք քեզ վոր հոգուդ աչքերը պայծառ
Լույս նպատակին պահած սենուն,
Մեր ժամանակի նավը անխորտակ
Մզում ես կյանքի լուսակերտ հեռուն:

ԼԻՐԻԿԱ

ՄԻ ՄԱՆԿԱՆ

Ա՞խ այդ ինչ լավ անուշահոտ
Արեաշող բալիկ ես դու,
Ծով խնդություն, ծափ ու ծիծաղ
Ծակափթիթ բարիք ես դու,
Այն հւմ սիրտն ե, վոր չի հուզվում
Քո մշտավառ աշիկներից,
— Զե վոր պալծառ ու լուսագեղ
Յերջանկավետ դալիք ես դու,

Մ Ո Ր Ո

Ծաղիկ կյանքով հոգսով մաշել
Ու անցել ես, մայր,
Վարդիդ սիրուն հազար ցավի
Դիմացել ես, մայր,
Քո փայփայած անուշ վարդը
Խորշակից հեռու,
Ծիլ արձակած բողբոջում ե
Իմացել ես, մայր...

Այդ քո չքնաղ թարթիչներից
Յերբ ժպիտն ես կախում վար,
Կարծես հոգուս բողբոջներին
Շող ես մաղում վոսկեշաղ,
Ա՛խ, յես կյանքի, անուշ յերգի
Անկեղծ սրտի սիրահար,
Դու կյանք, դու յերգ, դու անկեկծ սիրա,
Յեիջանկություն ու ծիծաղ:

* *

Միտքս իմ հույզի ղեկավարն ե քաջ,
Յեվ հույզս մտքիս քույրն ե հարազատ,
Այսպես թե-թեի գնում են առաջ
Անկաշկանդ, անվախ, խնդուն և ազատ»

* *

Հեղիկ շրշունով Մալիսն ե քալլում
Արտերի վրա ու սեգ լեռների,
Հեղիկ շրշունով անձրեսում ե նա
Իմ յերկրի մատաղ գալար ծիլերին,
Իմ յերկրի մատաղ գալար ծիլերին
Գոհար շիթերով համբույր ե հղում,
Ո՛, մեր ծիլերը հղի յեն, հղի
Բերքով մի պայծառ ու բազմաբեղուն».

* *

Անկիրք, անհույզ հանգիստ կյանքը
Սրտիս համար ո՛, խորթ ե միշտ,
Հոգիս կրանքի մըրիկներին,
Բաղխումներին հաղորդ ե միշտ,
Գիտեմ լես ել պիտի հանգչեմ,
Վորպես յերազ վաղվաղակի,
Բայց քանի կամ, համառ հոգիս
Մի վորոնող ճամբորդ ե միշտ:

* *

Քո մեջ, քո մեջ ամեն ինչ կա,
Յերկինք, յերկիր, տիեզերք,
Սիրո հուր կա, վարդի բույր կա,
Հազար լիինդ կա, հազար յերգ՝
Բայց ամենից չքնաղ ու վառ
Յեկ ամենից դուրեկան,
Գերում ե ինձ ժպիտը քո,
Հավերժորեն մանկական:

*
**

Գեղեցիկ ես լուսնի պես
Լուսնի պես նազուք,
Լուսնի նման ցուրտ ու պաղ,
Անկիրք, անհուզում,
Իմ սիրտն ինչպես սիրի քեզ,
Հուզվի քեզանով,
Յերբ նա հավերժ բոցկլտում
Արև և ուզում:

*
**

Գիշերն իջավ հովն անուշ,
Սարից փշեց զովն անուշ,
Շնդշնդացին հասկ ու արտ,
Հասած հասկի ծովն անուշ:

* *

ՍԵՐՄ ե յերգում հոգուս մեջ՝
ԹԵ ծովն ե յերգում.
ՍԻՐՈ ալիք կա անվերջ
Հոգուս ընդերքում:

* *

ՎՈ՞Նց վանդակից աղաւ թողած մի թռչուն,
ԹԱԿԻՆ տալով դեպի լեռներն ե թռչում,
Այդպես ել իմ ջահել սիրաը սիրակեզ,
Հուր կարոտով միշտ թռչում ե դեպի քեզ:

ՖԻՐԴՈՒՍՈՒՆ

Հին աշխարհի գորշ մշուշում
Վառ հոգիներ կան անմահ,
Ավաղ, կոխ են տվել փոշում
Շահերը պերճ ու ադահ,
Մենք ենք միայն, վոր մաքրելով
Նրանց փոշին շերտ առ շերտ
Լույս աշխարհ ենք հանում ահա
Հանձարներին լուսակերտ:

ՈՄԱՐ ԻԱՅԱՄԻՆ

— Դու ասացիր՝ «իմ աշխարքում
Քանի վոր կա մահ ու անկում,
Ել ինչու յես տանջեմ հոգիս,
Ել ինչու յես տքնեմ անքուն»,
— Ո՞մեծ Խայամ, այս բարդ հարցում
Յես չեմ խփի թասս թասիդ,
Զե վոր ձգտում, և նպատակ,
Յեզ լեռջանիկ սեր կա կյանքում.

ՊՈՒՇԿԻՆԻՆ

Պուշկինն այսոր վերածնվեց,
Աշխարհ լեկավ այսոր նորեն,
Բայց այս անգամ ավելի վեհ,
Յեվ ավելի պայծառորեն:

**

Վորպես իր հսկա ափերից հորդած
Անզուսպ ովկիանի մի հախուսն ալիք,
Մռայլ ու դաժան անցյալից յելած,
Քայլում ես դեպի դարերը գալիք:

ՅԵՇ ԱՐԻ

* * *

Արի պոետ, յետ արի,
Վորպես զուլալ գետ արի,
Ծաղկած լոռուդ ձորերին
Այցելության գեթ արի:

* * *

Նրա ամեն մի տաղի,
Ամեն մի տողում,
Անմահության պահծալի—
Արևն և շողջողում,

* *

Արյունաբբու սև գահերի
Ու ցարերի արանքում,
Տանջվել ե մեր ժողովուրդը
Յել մաքառել աննկուն:
Դառնաթախիծ այն որերի,
Տանջանքներում չարաղետ.
Միահույսվեց յերգդ վճիտ
Տանջվող մարդու յերգի հետ:

* *

Յերգդ արեկի հրի պես ե,
Լոռու լեռնազբըրի պես ե,
Անմահ սրտի շերմ արյունով,
Պայծառ՝ գրած գրի պես ե

Ա.Վ. Ի Ս Ա Հ Ա Կ Ց Ա Ն Ի Ն

«ԳԻՔՈՐ»-ԻՆ

«Գիքորի» մեջ խեղճ Գիքորի կարոտը կա,
Չոր ու անբերք հողն ու հերկը՝ արոտը կա,
Ու գազաղած բազազների աշխարհի դեմ,
Պայքարելու վառութը կա:

Իմ հոգու համար մահը հաղթահար,
Իմ հոգին հավերժ չունի մահացում:
Ա.Վ. Ի ս ա կ յ ա ն

Մահվան մասին վեճ բացվելիս ամեն որ
ինքս իմ մեջ միտք եմ անում յես մի պահ,
«Մահը վորքան անկարող ե և անլոր,
Յերբ վոր մարդու գործն ե հավերժ ու անմահ»:

ԺՈՂ. ԲՈՆԱՍԵՂՅ ՀԱԿՈԲ ՀԱԿՈԲՅՈՒԻՆ

ԻՄ ՅԵՐԳԸ ՆՐԱՆ

**

Են ջինջ աղբյուրն ե ուրախ, կարկաչուն,
Թե յերգդ ե սրտիդ արնով կարկաչում,
Ու սիրո ծարավ ամեն անցորդի
Անհուն թուլչանքով իրեն ե կանչում:

Իմ յերգը նրան ով լքեց հավետ
Փայլուն աստղերի խափուսիկ ուղին,
Յեվ նեխվող կյանքի գաղջ մղջավանջում
Իր սրտի կամքով կապվեց մայր հողին:
Նա վոր իր սրտի հուզգերով վարար,
Լարերով անդին,
Զուլվեց նոր կյանքի պայծառ լնթացքին
Տոկուն, անվարան,
Իմ յերգը նրան:

* *

Մեր դուռն ամեհի քամին եր ծեծում,
Աշխարհն եր լցվել ահավոր մուժով,
Իսկ դու հավատիդ անսասան ուժով
Տեսար գալիքը, արևով լեցուն:

* *

Սիրում եմ յերգիդ թափն ու շոգին,
Կովում աննահանջ քո վեհ հոգին,
Սիրում եմ յերգիդ չափը հնչյուն,
Մերթ շոնդալից, մերթ կարկաչուն:
Քո մետաղակուռ սեդ քայլերգին
Զայնակցել ե իմ դալար հոգին:

Դ Յ Ռ Թ Ե

ԹԱՓԱՌԱՇՐՋԻԿԻ ԳԻՇԵՐԱՅԻՆ ՅԵՐԳԸ

Ն. ՈՍՏՐՈՎԸԿՈՒՆ

«ԻՆՉՊԵՍ Ե ԿՈՓՎՈՒՄ ՊՈՂՊԱՏԸ»

Կարդալուց հետո

Ինչքան հույզեր, ինչքան կը ակ
Ինչքան հուր կա այս գրքում,
Պայծառ կյանքի, յերջանկության
Ծաղկի բույր կա այս գրքում:
Բաշխումների բովում կոփվող
Պայքարատենչ մարտիկի,
Սիրակարոտ սրտից բղխող
Զերմ համբույր կա այս գրքում:

Անդորրն ե տիրել
Լեռան գագաթին,
Հավքերն են նիհրել
Անտառում մթին:
Հանգիստ են առել
Կատարները վես,
Սպասիր, դու յել,
Շուտով կնիհրես:

ՊՈՒՇԿԻՆ

ԼԻԼԱՅԻՆ

Լիլա, Լիլա, տանջվում եմ
Մի անխնդում թախիծով,
Յես մեռնում եմ, յես հանգչում եմ
Հոգու պայծառ իմ բոցով:

Բայց իզուր եմ սիրում ախ, յես
Ինձ ծաղըում ես ծիծաղով,
Ծաղրիք, Լիլա, գու չքնաղ ես
Նաև անհույզ քո գեղով:

ՊՈՒՇԿԻՆ

Ո՛, ՎԱՐԴ ԱՂՋԻԿ

(Ազատ բարգմ.)

Ո՛, վարդ աղջիկ, ո՛, վարդ աղջիկ շղթալված եմ
Հիմա յես,
Բայց քո սիրո այդ շղթալից չեմ ամաչում վոչ
մի որ,
Այդպես վարդի թփերի մոտ կարոտակեզ, սիրակեզ,
Անտառալին յերգիչների սոխակ արքան թևավոր
Հրաշագեղ հպարտ վարդի թփումն ապրում ենա
միշտ
Սիրո անգին կապանքի մեջ մոռանալով հոգս ու
վիշտ,
Գիշերային լսավարի մեջ անչափ քնքույշ, սիրահույզ,
Նա իր սերած վարդի համար յերգ ենյուսում
նըբահյուս:

ՎԱՐԴՆ ՈՒ ՍՈՒԱԿԸ

(Ազատ քարզ.)

Հոռովթյան մեջ այսինքնի գարնանային ու գեղուն,
Վարդի վրա արևելյան հետ սոխակն և գեղգեղում,
Բայց նազելի վարդն այդ յերգով փնչ հուզվում ե,
Վհչ շնչում,
Միայն սիրո որհներդի տակ որորվում ե ու ննջում:
Արդյոք նույն կերպ դու չես յերգում գեղի համար
պաղարյուն,
Ո՞վ բանաստեղծ, ուշքի արի, մւմ համար ես քեզ
լարում,
Նա չի զգում, չի հասկանում բանաստեղծի վառ
հոգին,
Նա ծաղկում ե, անարձագանք թողնում կանչդ
կաթոգին:

ՃԱՅՆԸ

Վիթխարի լեռան փառակեղ ուստին
Մի որ գիշերեց վոսկեղեն մի ամպ,
Ու արթնանալով վաղ արշալույսին,
Հեռացավ իւղով ու պարզ խնդությամբ:

Սակայն մեծ ժայռի դեմքի խոռոչում
Թողեց վորպես հետք նա մի խոնավ ամպ,
Իսկ ժայռը մենակ տիսուր հառաջում,
Ու արտասվում ե խոհուն տրտմությամբ:



ԲՈՎԱՆԴԱԿՈՒԹՅՈՒՆ

1.	Բողընջը	3
2.	Պատասխանը	5
3.	Մ.	Նալբանդյանին	6
4.	Արծաթափարս	գեղեցկուհին	7
5.	Զորատեսիլ	Մայիս	9
6.	Ներքող	հերռու	ոդաչուներին	10
7.	Լիրիկա	12
8.	Արթիկ	Տուփում	13
9.	Արթիկ	-առուֆի	հարվածայիններին	14
10.	Շենքերի	և	բանվոր	ընկերներիս	քննադատության	մասին	15

U b q u u

ԺՈՂՈՎՐԴԱԿԱՆ ՄՈՏԻՎՆԵՐ

23.	Կոլմողի աղջիկ	33
24.	Հնձվորի սերը	34
25.	Մի մանկան	35
26.	Թումանյանի խըճիթին	36
27.	Թումանյանի տան մեջ	37
28.	Վերհուշ	38
29.	Մէկեր	41

ԹԱՌՑԱԿՆԵՐ

ՄԵՄՍԱԼԻՒԽՆ

30.	Ինչպես, վոր գարնան արևածագին	45
31.	Արկի պես մշտավառ	46
32.	Քեզ են ներբողում	47
33.	Հոգուս աչքերով	48
34.	Իմաստուն ես, իմաստուն	49
35.	Դու ասացիր	50
36.	Հոգով իմ զվարթ	51

ԼԻՌԻԿԱ

37.	Մի մանկան	55
38.	Այդ քո չքնաղ թարթիչներից	56
39.	Մորս	57
40.	Միտքս իմ հույզի դեկավարն ե քաջ	58
41.	Հեղիկ շրջունով	59
42.	Անկիրք, անհույզ կյանքը	60
43.	Քո մեջ, քո մեջ ամեն ինչ կա	61
44.	Գեղեցիկ ես լույսի պես	62
45.	Գիշերն իջավ հովն անուշ	63
46.	Միրս ե յերգում սրտիս մեջ	64
47.	Վոնց վանդակից ազատ թողած մի թոշուն	65

ՄԵԾԵՐԻ ԱՇԽԱՐՀՈՒՄ

48.	Ֆիրզուսուն	66
49.	Ուար Խայամըն	67
50.	Պուշկին (Պուշկինն այսոր վերածնվեց)	68
51.	Վորովս իր հակա ափերից հորդած	69

ԹՈՒՄԱՆՅԱՆԻ ՀԵՏ

52.	ՅԵտ արի	70
53.	Նրա ամեն մի տաղի	71
54.	Յերգդ արկի հրի պես ե	72
55.	Արյուն արբու սկ գահերի	73
56.	«Դիքոր»ին	74

Ա.Վ. ԻՍԱՀԱՅՅԱՆԻՆ

57.	Մահվան մասին վիճ բացվելիս ամեն որ	75
58.	Են ջինջ աղբյուրն ե	76

ՃՈՂ. ԲԱՆԱՍՏԵՂԾ ՀԱԿՈԲ ՀԱԿՈԲՅԱՆԻՆ

59.	Իմ յերգը նրան	77
60.	Մեր զուռն ամենի քամին եր ծեծում	78
61.	Սշըում յերգիդ թափն ու շողին	79
62.	Ն. Աստրովկուն	80

ԹԱՐԳՄԱՆԱԿԱՆ ՓՈՐՁԵՐ

63.	Քյոթե - Թափառաշրջեկի գեշերային յերգը	81
64.	Պուշկին լիլային	82
65.	Պուշկին Ո՛, վարդ աղջիկ	83
66.	Պուշկին Վարդն ու սոխակը	84
67.	Լեռմանառվ ժամուր	85

Կ084

Հրատ. 4193, Թլ. Մազ. Խ-9209, Պատվ. 966, Տիրաժ 2000

Գևորգական տպարան, Յեղեան, Լենինի փողոց 65

ՀՀ Ազգային գրադարան



NL0342891

SHU. 24

36568

МКРТЧ ЧОРЮН.
„ПЕСНИ ЖИЗНИ И ЛЮБВИ“
ГИЗ АРМ. С.С.Р. ЕРЕВАН